



Aningaasaqarnermut Nunanullu Allanut Naalakkersuisoq

Aningaasaqarnermut Ataatsimiititaliap suliaraq nr. 01.31.06/06-00185 pillugu tallimangornermi ulloq 8. september 2006-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 17. august 2006-imi ataatsimiinneranni imm. 2h)

Inissianik kommuninit attartortitassanik tapiissutitalimmik sanaartornermut tunngatillugu missingersuutitut sunniuteqanngitsumik allanngineq

Naalakkersuisut inassutigaa,

Kontomi pingaarnermi 87.72.21-imi, Inissianik kommuninit attartortitassanik tapiissutitalimmik sanaartornermut tunngasumi, aningaasaliissutit -9.222.000 kr.-inik ikilineqarnerisa kingunerisaanik kontomi pingaarnermi 80.00.10-mi, sanaartugassanut Iluarsagassanullu Aningaasaateqarfimmit nuutanut tunngasumi, aningaasaliissutit -9.222.000 kr.-inik ikilineqassasut, , taakkulu ima agguarneqassasut; -1.125.000 kr.-it suliassamut nr. 32.085-imut, Kuummiuni inissiat 2-nut tunngasumut, aamma -8.097.000 kr.-it suliassamut nr. 32.086-imut, Tasiilami inissiat 13-inut.

Kontomi pingaarnermi 87.72.21-imi, Inissianik kommuninit attartortitassanik tapiissutitalimmik sanaartornermut tunngasumi, aningaasaliissutit 9.222.000 kr.-inik amerlineqassasut, taakkulu ima agguataarneqassasut; 108.000 kr.-it suliassamut nr. 32.083-imut, Qeqertarsuup pigisaani Kangerlummi inissianut 2-nut tunngasumut, -1.067.000 kr.-it suliassamut nr. 32.084-imut, Qaarsuni utoqqarnut inissianut 2-nut tunngasumut, 3.143.000 kr.-it suliassamut nr. 32.094-imut, Inissianut 8-nut á 54 m²-inut tunngasumut, 621.000 kr.-it suliassamut nr. 32.077-imut, Aasianni inuusuttunut inissianut 6-inut tunngasumut, 644.000 kr.-it suliassamut nr. 32.076-imut, Aasiaat pigisaanni Akunnaami utoqqarnut inissianut 2-nut tunngasumut, -883.000 kr.-it suliassamut nr. 32.100-imut, Tasiilami inissiat 2-nut tunngasumut, -6.016.000 kr.-it suliassamut nr. 32.101-imut, Tasiilami inissianut 6-inut tunngasumi, -6.417.000 kr.-it suliassamut nr. 32.065-imut, 2005-imi inissianik kommuninit attartortitassanik tapiissutitalimmik sanaartornermut tunngasumut, aamma 6.255.000 kr.-it suliassamut nr. 32.066-imut, 2006-imi inissianik kommuninit attartortitassanik tapiissutitalimmik sanaartornermut tunngasumut.

Aningaasaqarnermut Ataatsimiititaliap oqaaseqaatai

Sanaartornermut tunngasuni nuussinissat arlallit Aningaasaqarnermut Ataatsimiititaliamit akuersissutigineqarnissaat Naalakkersuisut suliame matumani qinnutigaat. Konto pingaarnermut 87.72.21-imut, Inissianik kommuninit attartortitassanik tapiissutitalimmik sanaartornermut tunngasumut, oqaasertaliussat naapertorlugit kommunit inissianik attartortitassanik sanaartornerannut tapiissuteqarnissamik Naalakkersuisut siusinnerusukkut neriorsuutigisimasaannut nuussinissamik qinnuteqaatit pineqartut attuumassuteqarput. Naalakkersuisut aningaasaliissutit iluanni tapiissuteqarnissamut neriorsuteqarnissamut, tamatumalu kingorna Aningaasaqarnermut Ataatsimiititaliamut ilisimatitsissuteqarnissamut piginnaatinneqartut oqaasertaliussanit taaneqartuni allassimavoq.

2005-imi oqaasertaliussakkut piginnaatitsissutit naapertorlugit sanaartugassatut suliassanut arlalinnut tapiissuteqarnissamut taakkunanngalu allannguissamut Naalakkersuisut neriorsuuteqarsimasut aammalu ”Ajuusaarnartumik kukkuluttornikkut allannguutit taakku 2005-imi iluarsineqanngitsoorput”-simasut qinnuteqaammi allassimavoq.

Ukioq aningaasanut inatsisip atuuffia 2005 naareermat oqaasertaliussamilu piginnaatsitsissut tunngavigalugu sanaartugassatut suliassanut aningaasaliissutit Sanaartugassanut Iluarsagassanullu Aningaasaateqarfimmut nuunneqareermata aningaasaliissutinik suliassanillu siuliani taaneqartunik allannguissamik pisortatigoortumik akuersissutiginninnissaq maanna Aningaasaqarnermut Ataatsimiititaliamit akuersissutigineqartariaqarpoq. Matuma kingorna kukkunerup uteqqinneqannginnissaa Naalakkersuisut peqqissaartumik qulakkiissagaat ataatsimiititaliamit neriuutigineqarpoq.

Aammattaaq kontomut pingaarnermut 80.00.10-mut, Sanaartugassanut Iluarsagassanullu Aningaasaateqarfimmit nuussinernut tunngasumut, missingersuutitut ilanngussami missingersuutit immikkoortiterneqarneranni minus (-) amigaataasoq ataatsimiititaliamit oqaatigineqassaaq. 2006-imi ilassutitut aningaasaliissutinut inatsimmi missingersuutitut ilanngussap ilanngunneqannginnerani taassuma aaqqinneqareersimanissaa tunngavissaatinneqarpoq.

Aningaasaqarnermut Ataatsimiititaliap aalajangiinera

Siuliani oqaaseqaatigineqartut innersuussutigalugit Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Ellen Christoffersen
Aningaasaqarnermut Ataatsimiititaliap siulittaasua